



UNIVERSITÄTS-  
BIBLIOTHEK  
PADERBORN

## **Regvlæ Societatis Iesv**

**Angeli, Bernardo d'**

**Romæ, 1616**

Regulæ Ianitoris.

---

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



# R E G V L A E

## I A N I T O R I S .

- Nomina prope ostium scribenda .  
 P. 3. c. 1. S. 3.
- I** Omina omnium domesticorum prope ostium Domus in tabula scripta sint, ubi notis quibusdam illi designantur, qui egredientur: neminem vero foras exire permittat, qui facultatem à Superiore generalem, aut particularem non habeat; & ab ijs, qui egrediuntur, quo eant, intelligat.
- Nil intempestive nunciabit .
- 2** Nihil cuiquam nunciabit intempestive, ut cum in mensa sedetur, nisi aut res esset necessaria, aut personæ mittentis conditio aliud exigeret.
- Literas Superiori tradat .
- 3** Literas omnes, & schedulas, quæ domesticis mittuntur, Superiori tradat: ij vero, ad quos dabantur, eas esse acceptas, ne intelligant: caueat etiam ne alicuius domestici literas, aut quid simile externis det iniussu Superioris.
- Quid cum peregre venientibus .
- 4** Cum aliqui ex Societate peregre veniunt, ianuam ingressis dicat, ut illic expectent;

Etent, dum Superior de aduentu eorum fit certior.

5 Festinet ad ianuam, cum tintinnabulum pulsari audit, & cum res patietur, per fenestellam venientes expediat, porta non aperta. Præsto sit ad ianuam.

6 Si quis ab externis quærat, qui domi non sit, modeste intelligat, quis sit ille, qui petit, & quid velit, ut id redeunti, si opus sit, cum facultate Superioris, significare possit. Quando aliquis Domi non sit.

7 Talem cum omnibus conuersandi modum teneat, ut discretionem, modestiam, & spiritalibus verbis singulos edificatos, & contentos à se dimittere studeat. Modus conuersandi.

8 Cum externi aliquem è nostris alloqui volent, Superiorem adibit, qui si ad id facultatem dederit, diligenter eum, qui petitur, quæret, & ad locum colloquijs destinatum eos remittet. Neminem sine facultate vocet ad ianuam.

9 De eleemosynis, quæ ad ianuam mittentur, Superioris mentem intelligat, illiusque ordinem sequatur; & si alicuius momenti sint, Procuratorem certiosem faciat. De eleemosyna.

10 Si quando Prælati, aut Magnates domum intrarint, curet si commode possit: ut Sacerdos aliquis eos comitetur, dum Superiorem ipse accersit. Prælati & Magnates.

11 Cum pauperes eleemosynæ causa ad ianuam accedunt, benigne respondeat, & sedulo quærat quidnam eis erogari possit iuxta Cum pauperibus benigne se habeat.

Super-

Superioris arbitrium, idque illis cum caritate distribuatur.

Mulieres ad ecclesiam remittat. 12 Mulieres, si quando ad ostium accedunt, paucis verbis dimittat, aut si pluribus opus esse videretur, in Ecclesiam eas mittat ad Aedituum, vbi responderi ipsis poterit.

Ianua sit semper obserata. 13 Obserata semper ianua sit, clauisque in porta ne relinquatur; loca etiam portæ vicina munda seruet, & vt iuxta ianuam omnes submissa voce loquantur, curet.

Portas quando claudet. 14 Portas Domus ante noctem claudat, exinde vero eas nullius causa aperiat, nisi de Præpositi, vel Rectoris expressa licentia: & antequam cubitum eat, claues eidem tradens, si quis foris maneat, illi renunciabit.

Nil externorum custodiat. 15 Nihil custodiendum à quoquam externo recipiat, absque Superioris iussu.

Veniente Medico dabit signum. 16 Quoties Medicus Domum ingreditur, signum dabit campana; vt Minister & ceteri, qui debent, adesse possint.

Etiā pro initio scholarum, & fine. 17 In Collegijs, in quibus Scholæ externis aperiuntur, signum campana dabit pro initio lectionum, ac fine: & Gymnasia stans temporibus aperiet, atque claudet, nisi horum cura alijs demandetur.